



Transakciski računi: **1020220000054332 Union banka**,  
1605600056246748 Vak. banka, 1987011050000195 KIB banka,  
IDBroj: 4263261330003, Šifra djelatnosti: 91.110  
Budžetski račun za članarinu 1020220000053653  
Telefon: **310-454**, fax: **319-369** i **319-370**, mob: **061 174 522**  
[www.okusk.com.ba](http://www.okusk.com.ba) , e-mail: [ob.komora@bih.net.ba](mailto:ob.komora@bih.net.ba)

## **Obrtnička komora USK-a Bihać, Bihaćkih branilaca 47**

Broj: 01/2011  
Bihać, 04.01.2011. godine

UPRAVNI ODBOR

Na osnovu člana 98. Zakona o obrtu i srodnim djelatnostima i člana 26., a u vezi sa članom 8. Statuta Obrtničke komore USK-a Upravni odbor na sjednici održanoj 18. januara 2011. godine donosi:

### **P R A V I L N I K o pružanju usluga članovima Komore**

#### Član 1.

Ovim pravilnikom se propisuju vrste, način, uslovi i naknada pružanja usluga koje Obrtnička komora USK-a (u daljem tekstu Komora) pruža svojim članovima.

#### Član 2.

##### **Vrste usluga**

Komora će svojim članovima pružati usluge u vidu pomoći prilikom osnivanja i obavljanja djelatnosti i pružati podršku u izradi raznih programa koje se sastoje u:

1. savjetovanje prilikom registracije obrta i srodnih zanimanja;
2. savjetovanje i podrška kod iniciranja osnivanja udruženja obrtnika i udruženja lica koja obavljaju srodna zanimanja;
3. printanje i kopiranje raznih dokumenata za udruženja i članove Komore;
4. izrada mjesečnih specifikacija za članove Komore koji porez plaćaju paušalno;
5. izrada programa razne grantove za održanje i razvoj po javnim pozivima;
6. izrada investicionih programa po javnim pozivima;
7. podrška u prezentaciji u elektronskim i printanim medijima;
8. podrška u nastupima na sajmovima i izložbama.

#### Član 3.

##### **Način pružanja usluga**

Usluge iz člana 2. ovog pravilnika pod brojevima 1. i 2. su uslužne naravi besplatne, a pružaju se licima koja imaju namjeru osnovati djelatnost ili obrtnicima koji imaju namjeru osnovati udruženje prema Zakonu o obrtu i srodnim djelatnostima.

Usluge iz člana 2. pod tačkom 3., 4., 5., 6. i 7. ovog pravilnika se pružaju isključivo članovima Komore ili udruženjima uz naknadu.

Usluge se pružaju putem ovlaštenog radnika Komore na opremi Komore koja zadovoljava uslove i standarde, odnosno opremi drugih pravnih ili fizičkih lica kada se radi o uslugama prezentacije i nastupa na sajmovima i izložbama.

#### Član 4.

##### **Uslovi za pružanje usluga**

Usluge Komore koje se pružaju uz naknadu mogu koristiti isključivo članovi Komore.

Za usluge iz člana 2. tačke 5., 6. i 7. obavezno se potpisuje izjava za korištenje usluge koja sadrži: vrstu usluge, vrijeme pružanja usluge, način pružanja usluge i iznos naknade za pružanje usluge.

Besplatne usluge Komore bezuslovno mogu koristiti lica koja namjeravaju osnivanje djelatnosti i obrtnici koji namjeravaju osnovati udruženje.

#### Član 5.

##### **Naknade za pružanje usluga**

**Naknada za printanje ili kopiranje** iznosi 0,05 KM po jednoj A-4 stranici ako je broj kopija veći od 20 komada, odnosno 0,10 KM ako je broj kopija manji od 20 komada ili ako je radnik Komore tekst pisao na računaru i printao bez obzira koliki je broj kopija urađen.

Kopiranje se vrši u crnobijeloj tehnici na kopir aparatu i laserskom pisaču.

Cijena usluga iz prethodnog stava podrazumijeva uvezivanje ručnom klamericom.

**Naknada za usluge izrade mjesečnih specifikacija za članove Komore** koji porez plaćaju paušalno iznosi 10,00 KM mjesečno.

Ova usluga podrazumijeva: pisanje i printanje zahtjeva za plaćanje paušalnog poreza, ispisivanje mjesečne specifikacije u dva primjerka, ispisivanje uplatnica za uplatu poreza i doprinosa, elektronsko arhiviranje specifikacija, pisanje i printanje računa za isporučenu robu ili uslugu, uputu o načinu vođenja evidencije ispostavljenih računa, dostavu specifikacija i uplatnica na kućnu adresu za članove Komore koji to zahtijevaju, blagovremeno obavještanje o svim izmjenama propisa koji se odnose na plaćanje poreza i doprinosa i pisanje obrasca M-4 za prethodnu godinu poslovanja.

**Naknada za izradu programa grantova za održanje i razvoj** po javnim pozivima iznosi 150,00 KM po jednom zahtjevu. Naknada obuhvata ispunjavanje kompletne aplikacije, upute za pribavljanje dokumentacije, pisanje zahtjeva za pribavljanje dokumentacije, slaganje dokumentacije, uvezivanje i slanje aplikacionog materijala na adresu nadležne institucije za odobravanje sredstava.

**Naknada za izradu investicionih projekata po javnim pozivima za kredite:**

- za projekat do vrijednosti 20.000,00 KM iznosi 400,00 KM;
- za projekte od 20.000,00 do 50.000,00 KM iznosi 700,00 KM;
- za projekte od 50.000,00 do 150.000,00 KM iznosi 1.000,00 KM.

Sadržaj ovih usluge je:

1. izrada poslovnog plana;
2. izrada investicionog plana;
3. izrada pripadajućih finansijskih tabela;
4. izrada zahtjeva;
5. izrada pratećih dokumenata iz aplikacionog materijala;
6. upute za prikupljanje dokumentacije;
7. sortiranje i uvezivanje dokumentacije;
8. dostava dokumentacije na adresu banke ili druge institucije.

**Naknada za podršku prezentacije u vlastitim elektronskim i printanim medijima** iznosi:

- za predstavljanje na službenoj web stranici Komore sa osnovnim podacima 10,00 KM godišnje;
- za usmjeravanje na web link 20,00 KM godišnje;
- pretplata na prostor u listu Obrtničke novine

Veličina	jedno objavljivanje	polugodišnje objavljivanje	godišnje objavljivanje
1/8	20,00	100,00	200,00 KM.
1/4	40,00	200,00	400,00 KM.
1/2	80,00	400,00	800,00 KM.
1/1	150,00	700,00	1.400,00 KM.

**Naknada za podršku u nastupima na sajmovima i izložbama** zavisi od finansijskih mogućnosti Komore, odnosno od načina nastupa na pojedinim izložbama i sajmovima. Komora će za zajedničke nastupe uslove i naknadu ugovarati sa organizatorima sajмова i iste uslove prenositi na izlagače – članove Komore bez zaračunavanja dodatnih troškova.

Naknada za izložbe koje Komora sama organizuje iznositi će samo participaciju troškova koji proisteknu iz organizacije, a koji će se prikazati u kalkulaciji za svaku izložbu posebno.

Predsjednik:

Ismet Ibrahimbegović